

# CUMÙNI DI LUNGÒNI



## Ghjuanni Albertu Bechi Luserna

La dì 21 di Natali di 120 anni fa, nascìa Ghjuanni Albertu Bechi Luserna. Tenènti Colonnèllu, Capu di Statu Magghjóri di la divisiòni Nembo, paracadutisti. Iddhu éra natu in Spoleto la dì 21 di Natali di lu 1904 e mòltu in Macomer, la dì 10 di Capidanni di lu 1943.

Fiddhólu di Ghjuliu Bechi, ufficciàli e scrittóri, e d'Albertina Luserna chi vinìa da una familia di Nóbili; éra mintuàtu pa' esse unu di li meddhu ufficciàli di lu Regio Esercitu.

La citài di Lungòni à appustàtu l'ammèntu pa' l'ottant'anni da la só' mòlti, la dì 10 di Capidanni di lu 2023.

Bechi Luserna éra militari in Saldìgna illa sigunda Ghèrra Mondiali e si distinghìa pa' esse una passòna ghjusta e cun umbè di 'ntelligenza, éra ancóra scrittóri.

Premiàtu umbè di 'òlti pa' lu só' 'alóri e fidéli a la só' Patria finz'a la mòlti.



# CUMÙNI DI LUNGÒNI



## Ghjuanni Albertu Bechi Luserna

La dì òttu di lu mesi di Capidanni di lu 1943, s'agattàa in silvìziu in Saldìgna, illu Campidanu, a coranta km da Casteddhu; Saputu di l'almistiziu di Cassibile e no sèndi d'accòldu cu' la pinsàta di l'Ittalia di iscissinni da l'Asse, lu battagliòni nummaru XII di li paracadutisti, diccidìsi d'aunìssi a li tedeschi chi si nn'érani andèndi, passèndi pa' la Còssica.

Bechi Luserna, sèndi filmàtu sèmpri fidéli a la Patria, andési a cilcà di fà cambià vidèa a chissi milittari e li ragghjunghjisi inn un puntu di lu stradòni Càrrulu Felice accùltu a Castigadu.

Vi stési una d'isputta abbèddhu accésa e pari chi, un cèltu Cosimo, aèndi mal cumprésu li 'ulintài di Bechi Luserna e di li carabbinéri chi érani insèmbi a iddhu, tirési ammazzendi lu Capu di Statu Magghjóri. Illa costa di Lungòni, s'agàtta una gruci in ammèntu sóiu, vulùta da lu Capitanu Sergio Mainetto, inn accòldu cu' lu preti e l'amministràzioni di la citài proppiu palchì li resti sói li lampésini in mari.

Chistu pà ammintà lu 'alóri di chiss'òmu di córi mòltu pa' la Patria.

